

PHAU NTAUV QHIA
TXOG KEV KHO
HNIAV THIAB COV
PEEV TXHEEJ PAB



2026

Cov Nqe Lus

1. Kev Saib Xyuas Kev Noj Qab Haus Huv Rau Qhov Ncauj nyob hauv Tsev
2. Kev Npaj rau Kev Mus Ntsib Kws Kho Hniav Kom Tau Txais Txiaj Ntsig Zoo
3. Hais Txog Cov Phiaj Xwm Medi-Cal Dental
4. Kev Pab Duav Nqi thiab Kev Ua Ntawv Sau Nqi ntawm Medi-Cal Dental
5. Cov Kws Tu Hniav Rhais Chaw Mus Los (RDHAPs)
6. Kev Rau Tshuaj Loog Rau Kev Kho Hniav
7. Cov Kev Xaiv rau Kev Pab Cuam Kho Hniav
8. ACRC Lub Luag Hauj Lwm hauv Kev Pab Cuam Kho Hniav

Nqe Lus Tshaj Qhia Txog Kev Nthuav Tawm:

Tus neeg tsim phau ntawv no tsis muaj feem cuam tshuam fab nyiaj txiag, kev koom tes, los sis muaj txiaj ntsig fab kev lag luam rau cov ntsiab lus hauv no. Txhua yam khoom lag luam, cov kev pab cuam, los sis cov chaw txuas uas tau teev tseg yog muab teev nkag rau hauv no rau lub hom phiaj siv ua kev kawm nkaus xwb thiab tsis txhais tias yog tau txais kev pom zoo lawm.

Nqe 1: Kev Saib Xyuas Kev Noj Qab Haus Huv Rau Qhov Ncauj nyob hauv Tsev



Kev noj qab haus huv rau qhov ncauj yog pib los ntawm kev txhuam hniav thiab siv txoj xov dig hniav txhua hnuv. Rau qee tus neeg, kev tu qhov ncauj yuav yog ib qho nyuaj heev. Qhov ntawd yeej tsis ua li cas. Cov lus qhia hauv qab no tuaj yeem pab ua kom kev tu qhov ncauj hauv tsev yooj yim dua thiab xis nyob dua. Hais txog rau cov lus qhia ntxaws ntxiv, mus saib [Access for All Smiles Phau Ntawv Qhia](#). Cov naj npawb nplooj ntawv yog muab teev tseg tom qab txhua nqe lus qhia.

Saib Yam Uas Ua Rau Hnov Tias Nyuaj

Saib yam uas ua rau kev txhuam hniav tsis xis nyob. Qhov no yuav tuaj yeem suav nrog kev hnov zaub mov qab, kev hnov ntxhib, suab nrov, kev qiab nias, los sis kev xeev siab. Siv kev hloov pauv yog tias ua tau. Saib nplooj 4-8 ntawm [phau ntawv qhia](#) rau cov tswv yim ntau ntxiv.

Siv Cov Pas Txhuam Uas Mos Muag thiab Tshwj Xeeb

Sim cov pas txhuam hniav mos muag los sis silicone, cov tshuaj txhuam hniav tsis ntsim los sis tsis muaj ntxhiab, thiab cov pas txhuam hniav fais fab uas tsis muaj suab nrov los sis tsis tshua rhee muaj ceem. Muaj ntau yam cuab yeej thiab khoom lag luam rau mus nrhiav los sim. Nplooj ntawv 30 ntawm [phau ntawv qhia](#) no muab ntau yam lus qhia zoo txog lwm txoj hau kev xaiv rau cov pas txhuam hniav thiab cov xov dig hniav uas ib txwm siv.

Hwj Xwm Txoj Dej Num Uas Yuav Ua Txhua Hnuv Kom Tuaj Yeem Khwv Yees Tau

Kev hloov ntawm ib xoj dej num mus rau lwm txoj yuav tuaj yeem yog ib qho nyuaj. Muab cov lus ceeb toom qhia kom meej tseeb xws li “tsib feeb nxiv.” Siv lub moo caws kom quaj ceeb toom, nkauj, duab, daim phiaj teev sij hawm, los sis daim ntawv teev yam uas yuav tau tshuaj xyuas los pab npaj rau kev txhuam hniav. Saib nplooj 4-8 thiab Daim Ntawv Txuas Ntxiv A8 ntawm [phau ntawv qhia](#).

Maj Mam Ua Ib Qho Me Me Zuj Zus Tuaj

Pib ua tej yam me me. Txhuam ib qho chaw nkaus xwb, siv dej los hloov tshuaj txhuam hniav, los sis txhuam sai sai xwb. Maj mam txhuam ntev zuj zus tuaj thaum hnov xis nyob dua qub tuaj lawm. Saib nplooj 4-8 ntawm [phau ntawv qhia](#).

Ua Kom Kev Txhuam Txhuam Hniav Muaj Kev Lom Zem thiab Zoo

Siv tej games, kev ua txuj ua piv txwv, nkauj, los sis cov apps txhuam hniav. Cov pas txhuam hniav uas muaj kev lom zem los sis cov cuab yeej txhuam hniav uas hais lus qhia tuaj yeem ua rau muaj kev xav txhuam hniav dua. Saib Daim Ntawv Txuas Ntxiv A8 ntawm [phau ntawv qhia](#).

Sim Ntau Thaj Txhuam Sib Txawv


Txhuam hniav thaum zaum, sawv ntsug, los sis pw. Sim tig tus pas txhuam qaij mus rau ntau seem sib txawv los sim seb seem twg xis nyob tshaj plaws. Saib nplooj 27-29 ntawm [phau ntawv qhia](#).

Qhuas thiab Muab Khoom Phaj Tshab

Qhuas txhua yam uas siv zog ua, txawm tias yog tej kauj ruam me-me xwb los xij. Siv kev txhawb dej siab, cov ntawv nplaum, los sis tej khoom phaj tshab yooj yim los txhawb kev ntseeg siab. Saib nplooj 7 ntawm [phau ntawv qhia](#) hais txog rau cov tswv yim ntau ntxiv.

Ua Siab Ntev thiab Yoog Kom Tau

Kho tej cuab yeej, lub sij hawm, thiab tej dej num kom haum rau tus neeg xav tau. Tej zaum yuav ua tau qeeb, tab sis qhov ntawd yeej tsis ua li cas. Saib nplooj 9-11 ntawm [phau ntawv qhia](#) rau cov lus qhia zoo tshaj plaws txog kev tu qhov ncauj txhua hnuv!



Nqe 2: Kev Npaj rau Kev Mus Ntsib Kws Kho Hniav Kom Tau Txais Txiaj Ntsig Zoo

Kev mus ntsib kws kho hniav yuav nyuaj heev rau qee tus neeg. Yog muaj kev npaj thiab kev txhawb pab, ces tej zaum yuav ua rau mus ntsib kws kho hniav yam siab txias dua thiab tau txais txiaj ntsig zoo dua. Hais txog rau cov ntsiab lus qhia ntawv ntxiv, mus saib [Access for All Smiles Phau Ntawv Qhia](#), nplooj 22-26 thiab Daim Ntawv Txuas Ntxiv A10.

Kev Xyaum Hauv Tsev

Cov neeg saib xyuas tuaj yeem xyaum ua ib feem ntawm kev mus ntsib kws kho hniav ua ntej mus ntsib tau:

- Xyaum pw ib lub rooj zaum los sis ntawm lub rooj xauv fam
- Tsom teeb rau hauv lub qhov ncauj
- Siv tus pas txhuam hniav los txhuam hniav zoo ib yam li tom lub chaw kho hniav
- Siv daim iav sim thiab xyaum suav cov kaus hniav
- Tso cov vis dis aus uas muaj lub suab nrov li tom lub chaw kho hniav



Ua Ntej Kev Mus Ntsib

- Siv ib zaj dab neeg kev sib raug zoo uas muaj cov duab kws kho hniav thiab lub chaw ua hauj lwm yog tias ua tau
- Siv tej nqe lus txog yam uas yog "xub thawj/tom qab" thiab kev siv duab pab
- Saib cov vis dis aus uas qhia txog yam uas tshwm sim ntawm tus kws kho hniav
- Mus ntsib lub chaw kho hniav ua ntej txog sijhawm kom tau ntsib cov neeg ua hauj lwm thiab saib kom pom qhov chaw
- Thov lub sijhawm teem caij kom ntsiag to
- Thov kev mus ntsib kom luv dua los sis ntau zaum yog tias xav tau

Thaum Lub Sijhawm Mus Ntsib Kws Kho Hniav

- Qhia txog yam uas tus neeg mob xav tau, tej yam uas nyiam, thiab tej teeb meem nyuaj rau pab neeg kho hniav
- Thov kom txhob taws lub teeb pom-pom kev heev los sis nqa lub tsom iav dub mus rau
- Nqa lub mloog pob ntseg rau kev mloog nkauj los sis saib vis dis aus
- Nqa cov khoom uas xis nyob xws li cov khoom ua si los sis cov pam vov hnyav
- Siv cov cuab yeej los sis cov khoom pab sib txuas lus
- Thov kom tus kws kho hniav "qhia-ua rau saib-ua" thiab kom tus neeg mob siv daim iav tuav ntawm tes



Xaus Nrog Tej Yam Zoo-Zoo! Qhuas thiab muab phaj tshab rau txoj kev siv zog, txawm tias qhov mus ntsib kws kho mob tsis tiav los xij



Thov mus saib **Access for All Smiles** [nplooj vev xaib loj](#) thiab nrhiav tau cov lus qhia los ntawm cov ncauj lus, vis dis aus, los sis **nkag mus rau cov ntawv cob qhia tus neeg saib xyuas ntev 1-teev** los sis **2-teev**.

Nqe 3: Hais Txog Cov Phiaj Xwm Medi-Cal Dental

Medi-Cal pab duav nqi rau kev kho hniav! Hom Phiaj Xwm Medi-Cal Dental uas ib tug neeg muaj yuav sib txawv uas yog nce rau ntawm qhov chaw uas lawv nyob. Cov neeg uas muaj Medi-Cal uas nyob hauv Nroog Sacramento yuav muaj cov phiaj xwm kev kho hniav uas muaj kev tuav tswj tshwj xeeb. Rau cov neeg nyob hauv tag nrho lwm lub nroog, ces tsuas muaj ib hom phiaj xwm kev kho hniav nkaus xwb.

Nroog Sacramento

Yog hais tias tus neeg ntawd txoj phiaj xwm Medi-Cal nyob hauv Nroog Sacramento, ces nws muaj Medi-Cal “Txoj Phiaj Xwm Kev Kho Hniav Uas Muaj Kev Tuav Tswj”. Hauv Nroog Sacramento muaj peb Txoj Phiaj Xwm Kev Kho Hniav Uas Muaj Kev Tuav Tswj, thiab tus neeg mob yuav au txais ib txoj twg ntawm cov phiaj xwm no:

- Liberty
- HealthNet
- DentaQuest

Hais txog rau kev pab nrhiav ib tug kws kho hniav:

Thov tiv tauj rau Medi-Cal Dental Txoj Phiaj Xwm Kev Kho Hniav Uas Muaj Kev Tuav Tswj thiaj thov kev pab nrhiav ib tug kws kho hniav. *Yog tsis paub tias tus neeg mob muaj Medi-Cal Dental Txoj Phiaj Xwm Kev Kho Hniav Uas Muaj Kev Tuav Tswj twg, ces hu rau HealthCare Options mus nug kom paub ntawm: 1-800-430-4263, tom qab ntawd hu rau ncaj qha rau txoj phiaj xwm mus thov kev xa mus rau ib tug kws kho hniav hauv pab pawg koom tes. Koj tseem puav leej tuaj yeem nias rau cov chaw txuas hauv qab no thiaj nkag mus tshawb nrhiav tej txwb txoj phiaj xwm phau ntawv teev cov npe kws kho mob hauv oos lais tau tib si.

- Txoj Phiaj Xwm Liberty Dental 888-703-6999 [Tshawb Nrhiav Medi-Cal Cov Kws Kho Hniav](#)
- Txoj Phiaj Xwm Kho Hniav HealthNet 833-493-0428 [Health Net Medi-Cal Dental | Health Net](#)
- DentaQuest 833-479-1984 [Kev Pab Duav Nqi ntawm California Medi-Cal Dental | DentaQuest](#)

Nyob rau Nroog Sacramento sab nraud

(los sis cov neeg nyob hauv Nroog Sacramento uas tsis muaj Medi-Cal Txoj Phiaj Xwm Kev Kho Hniav Uas Muaj Kev Tuav Tswj) Cov neeg uas nyob rau Nroog Sacramento uas muaj Medi-Cal Dental, kuj tseem puav leej muab hu ua “Fee-for-Service (FFS) Medi-Cal Dental” thiab. Hauv qab no yog tus nab npawb tiv tauj los hu mus thov kev pab nrhiav ib tug kws kho hniav. Nias qhov chaw txuas nkag mus rau qhov Nrhiav Phau Ntawv Teev Npe Kws Kho Mob hauv oos lais.

- Medi-Cal Dental 800-322-6384 [Qhov Chaw Nrhiav Phau Ntawv Teev Cov Npe Kws Kho Mob](#)

Kev Xa Mus Rau Cov Kws Kho Mob Paub Tshwj Xeeb

Qee zaum yuav tsum tau xa mus rau cov kev pab kho hniav tshwj xeeb. Cov kev pab cuam no muaj xws li kev rau tshuaj loog, kev rho hniav txhab, kho cov hauv paus hniav, thiab lwm yam. Yog hais tias tus neeg mob xav tau kev xa mus rau cov kev pab kho hniav tshwj xeeb, ces ua ib yam twg ntawm cov kauj ruam hauv qab no:

1. Thov tus kws kho hniav nthuav dav kom ua ntawv xa mus
2. Hu rau Txoj Phiaj Xwm Medi-Cal Dental thiaj thov kom ua ntawv xa mus
3. Thov ACRC tus neeg dhia dej num kev pab cuam kom tau txais kev pab los ntawm ACRC Tus Neeg Dhia Dej Num Kev Kho Hniav

Nqe 4: Kev Pab Duav Nqi thiab Kev Ua Ntawv Sau Nqi ntawm Medi-Cal

Medi-Cal Dental Pab Duav Nqi Rau Dab Tsi?

Tag nrho txhua txoj phiaj xwm Medi-Cal Dental pab duav nqi rau ntau yam kev pab cuam ib yam nkaus, feem ntau yuav tsis tau them nqi, rau cov me nyuam yaus thiab cov neeg laus. Cov kev pab kho hniav ua kev tiv thaiv xws li kev tu hniav, kev soj ntsuam, xoo hluav taws xob thiab fluoride muaj rau cov me nyuam txhua 6 lub hlis thiab rau cov laus txhua 12 lub hlis. Lwm yam kev pab kho kom hniav zoo rov los li qub thiab tshwj xeeb kuj puav leej tau txais kev pab duav nqi tib si, xws li kev txhaws hniav khoob, kev looj hniav, kev kho hauv paus hniav, kev rho hniav, hniav cuav, kev rau tshuaj loog thiab kev kho hniav thaum muaj mob ti tes ti taw. Thov mus saib Smile, CA tus vev xaib rau kev cov lus qhia ntxaws tag nrho txog cov kev pab cuam uas tau txais kev pab duav nqi raws pawg hnub nyoog: [Cov Kev Pab Kho Hniav Uas Tau Txais Kev Pab Duav Nqi | Smile California](#)

Yuav ua li cas yog hais tias tus neeg mob tau txais ib daim ntawv sau nqi rau cov kev pab kho hniav?

Tag nrho Cov Phiaj Xwm Medi-Cal Dental yeej pab duav nqi rau cov kev pab kho hniav uas tsim nyog rau kev kho mob los ua kom ntseeg tau tias yeej kho kom tus neeg mob txoj kev noj qab haus huv hauv qhov ncauj yeej zoo rov los li qub lawm. Yog tias tau txais daim ntawv sau nqi rau cov kev pab kho hniav, ces feem ntau yog daim ntawv sau nqi rau cov kev pab kho hniav uas tsis tau txais kev pab duav nqi uas tej zaum yuav xam tias yog kev pab kho hniav ntxiv, kev xaiv los sis kev kho kom zoo nkauj zoo nraug. Qee cov kev pab kho hniav uas tsis tau txais kev pab duav nqi uas tus kws kho hniav yuav ua ntawv sau nqi yog muaj xws li kev phais kho pob txha thiab cov plhaub mag qhwv pob txha, kev siv laser kho, kev looj kom hniav dawb tshwj xeeb, kev cog hniav, thiab lwm yam.

Yog tias tus kws kho hniav qhia kom siv cov kev kho hniav uas tsis tau txais kev pab duav nqi uas raug tus nqi thau yus hnab los them ntau heev rau tus neeg mob, ces tus neeg mob muaj txoj cai thov kom tsuas muab cov kev pab cuam uas Medi-Cal pab duav nqi nkaus xwb, thiab thov kom tus kws kho hniav ua raws li Medi-Cal cov kev cai kom tau txais cov kev kho hniav uas tau txais kev pab duav nqi los ntawm Medi-Cal ua ntej kho mob. [B&P Code § 654.3(h)(1)]. Cov ntaub ntawv qhia paub ntau ntxiv yog nyob ntawm no:

https://dental.dhcs.ca.gov/MCD_documents/providers/provider_bulletins/Volume_41_Number_03.pdf

ACRC Tus Neeg Dhia Dej Num Kev Pab Cuam yuav tuaj yeem sab laj nrog ACRC Tus Neeg Dhia Dej Num Kev Kho Hniav los tham txog cov nqi uas tej zaum tus neeg mob yuav tau thau yus hnab los them.

Yuav ua li cas yog tias **muaj mob hniav ti tes ti taw?**

Yog tias tus neeg mob ho mob hniav heev, los sis yog tias muaj cov tsos mob xws li kub taub hau, o los sis ua paug, ces nws yuav tsum mus nrhiav kev kho mob kiag tam siv. Tej zaum yuav tau xav txog kev kho mob tam siv rau ib qho ntawm cov kev xaiv hauv qab no: chav kho mob ti tes ti taw, kev kho mob kub ceev, los sis kev teem caij kub ceev mus ntsib lawv tus kws kho hniav los sis tus kws kho mob xub thawj. Hais txog rau cov ntaub ntawv qhia paub ntau ntxiv txog txoj hau kev nrhiav kev kho hniav ti tes ti taw, saib nplooj 19-21 ntawm [Access for All Smiles Phau Ntawv Qhia](#).

Yog tias pab neeg npaj phiaj xwm kho hniav xav tau kev pab ntxiv los nrhiav cov peev txheej rau tej kev xav tau kev kho hniav kub ceev, ces ACRC Tus Neeg Dhia Dej Num Kev Pab Cuam rau tus neeg mob yuav sab laj nrog ACRC Tus Neeg Dhia Dej Num Kev Kho Hniav los nrhiav cov kev xaiv ntau ntxiv.

Nqe 5: Cov Kws Tu Hniav Rhais Chaw Mus Los (RDHAPs)



*“RDHAP” txhais tau tias yog Tus Kws Tu Hniav Muaj Ntaub
Ntawv Teev Npe rau Kev Kho Hniav Kev Xaiv*



RDHAP yog dab tsi?

RDHAPs yog cov kws tu hniav uas muaj cov cuab yeej kho hniav rhais chaw mus los tau, uas yuav ua rau lawv tuaj yeem muab kev pab kho hniav rau cov neeg mob tau hauv lawv lub tsev, cov chaw zov yav nruab hnub, thiab lwm lub chaw hauv zej zog.

Hom kev pab kho hniav uas cov RDHAPs muab yog hom twg?

Kev ntxuav tu kom huv, xoo duab hluav taws xob, kev siv tshuaj fluoride kho, kev txhaws hniav khoob ib vuag, thiab lwm yam. RDHAPs kuj tseem puav leej muab cov ntaub ntawv qhia txog kev noj qab haus huv rau qhov ncauj uas muaj nqis, kev pab sab laj txog kev noj tej khoom zoo, cov lus qhia txog kev txhim kho kev tu hniav hauv tsev, kev kho hniav kom tsis txhob rhiab hniav, thiab tuaj yeem ua ntawv xa mus rau cov kev kho hniav tsim nyog raws li xav tau tib si thiab.

Cov RDHAPs puas txais Medi-Cal Dental thiab lwm cov phiaj xwm kev tuav pov hwm kho hniav?

Txais, feem ntau cov RDHAPs yeej txais Medi-Cal Dental. Tag nrho txhua yam kev pab cuam uas cov RDHAPs muab yeej tau txais kev pab duav nqi los ntawm Cov Phiaj Xwm Medi-Cal Dental. Hais txog rau cov kev pab cuam ntau ntxiv dhau ntawm cov kev txwv txog qhov tuab los sis kev pab duav nqi ntawm Medi-Cal, ces xav txog kev pib sib tham nrog pab neeg npaj phiaj xwm. Yog tias Pab Neeg Npaj Phiaj Xwm xav tshawb nrhiav cov kev pab cuam RDHAP, ces Tus Neeg Dhia Dej Num Kev Pab Cuam tuaj yeem muab ib daim ntawv teev cov npe RDHAPs hauv cheeb tsam rau lawm tau.

Peb thov caw kom ACRC Cov Neeg Mob tuaj mus koom nrog lub chaw kho hniav rhais chaw mus los nrog cov RDHAPs hauv cheeb tsam!

Peb thov caw kom cov neeg mob tuaj koom cov koom txoos kev kho hniav uas lom zem, thiab muab tus neeg mob saib tuaj nruab nrab nrog cov RDHAPs uas qhib nyob rau hauv cov chaw hauv zej zog uas muaj kev yooj yim! **Cov koom txoos no yeej muaj txhua ob peb lub hlis ib zaug.** Nug Tus Neeg Dhia Dej Num Kev Pab Cuam rau tus neeg mob hais txog rau cov ntaub ntawv qhia paub ntau ntxiv; Tus Neeg Dhia Dej Num Kev Pab Cuam tuaj yeem sab laj nrog ACRC Tus Neeg Dhia Dej Num Kev Kho Hniav txog rau cov koom txoos uas tab tom los yuav txog tom ntej!



Nqe 6: Kev Rau Tshuaj Loog Rau Kev Kho Hniav


Txawm tias yeej muaj ntau yam kev pab thiab kev kho kom haum lawm los xij, tab sis muaj qee tus neeg yeej tseem yuav ntsib teeb meem nyuaj uas yuav mus ntsib kws kho hniav kom tiav log. Tej zaum yuav tau rau tshuaj loog rau tus neeg mob ntawd los txais tej kev kho hniav loj.

Nws yog ib qho tseem ceeb uas yuav tsum tau paub tias yeej muaj ntau ntau qib kev rau tshuaj loog sib txawv. Yog tias yuav tsum tau rau tshuaj loog rau kev kho hniav, ces nws yog qhov zoo dua uas yuav xaiv hom tshuaj loog **uas muaj kev txwv tsawg tshaj plaws** uas muaj raws li tus neeg mob xav tau.

Ntau Txoj Kev Xaiv txog Kev Rau Tshuaj Loog

Cov ntau ntawv thiab cov duab hauv qab no piav qhia txog ntau txoj kev xaiv txog kev rau tshuaj loog uas muaj, los ntawm cov uas muaj kev txwv tsawg tshaj plaws (1) mus rau cov uas muaj kev txwv ntau tshaj plaws (5). Cov no yog cov piv txwv thiab tuaj yeem yuav sib txawv.

1. **Kev Muab Tshuaj Ua Ntej** – cov tshuaj tiv thaiv kev ntshov siab yog tuaj yeem noj ua ntej mus ntsib kws kho hniav tau
2. **Cov Tshuaj Loog Qis Tshaj Plaws** – tuaj yeem siv cov tshuaj pa luag (laughing gas) thaum lub sijhawm mus ntsib kws kho mob kom txhob xeeb txob tau
3. **Cov Tshuaj Loog Pes Nrab** – kev rau tshuaj loog hauv qhov ncauj yog kev siv cov tshuaj uas kws kho mob sau ntawv yuav los pab kom loog heev dua
4. **Cov Tshuaj Loog Tob Zog** – muab los ntawm kev dai dej, tus neeg mob yuav tsaug zog tab sis tseem tuaj yeem hnov txog tej kev kov taus
5. **Cov Tshuaj Tsaug Zog Nthuav Dav** – tus neeg mob tsis hnov dab tsi kiag li lawm, feem ntau yog siv nyob hauv chaw phais neeg mob los sis tsev kho mob



Nyob rau hauv ACRC cheeb tsam kho mob, muaj ntau tus kws kho hniav uas tuaj yeem muab kev rau tshuaj loog ntau qib sib txawv thaum mus ntsib kws kho hniav. Tus neeg mob thiab cov neeg uas txhawb pab lawv tuaj yeem sib tham txog cov kev xaiv tsim nyog rau kev rau tshuaj loog nrog lawv pab neeg kho mob thiab pab neeg kho hniav. ACRC Tus Neeg Dhia Dej Num Kev Pab Cuam tuaj yeem sab laj nrog ACRC Tus Neeg Dhia Dej Num Kev Kho Hniav kom tau txais kev pab nrhiav cov kws kho mob uas tuaj yeem muab tau qib kev rau tshuaj loog tsim nyog.

Nqe 7: Cov Kev Xaiv rau Kev Pab Cuam Kho Hniav

Thaum tig los hais txog rau cov kev pab cuam kho hniav, ces yeej muaj ntau txoj kev xaiv uas tsim los ua kom tau raws li txhua tus neeg mob tej kev xav tau ntiag tug. Txawm hais tias ib txhia neeg tuaj yeem nkag mus kho mob tsis tu ncuu hauv cov chaw kho hniav li ib txwm muaj los xij, tab sis ho muaj ib txhia xav tau kev txhawb pab ntxiv los sis kev rau tshuaj loog. Kev nkag siab txog ntau yam kev pab cuam kho hniav uas muaj yuav pab kom ntseeg tau tias txhua tus neeg yeej tau txais txoj kev kho mob uas ua tau raws li lawv tej kev xav tau tshwj xeeb zoo tshaj plaws lawm.

Ntau Txoj Kev Xaiv txog Kev Pab Cuam Kho Hniav

1. **Lub Chaw Kho Hniav Li Ib Txwm:** Rau cov neeg npaj txhij rau kev kho mob hauv lub chaw kho hniav. ACRC Tus Neeg Dhia Dej Num Kev Pab Cuam thiab Tus Neeg Dhia Dej Num Kev Kho Hniav yuav tuaj yeem pab nrhiav cov kws kho hniav hauv cheeb tsam uas lees txais tus neeg ntawd txoj phiaj xwm kev kho hniav thiab tuaj yeem ua tau raws li lawv xav tau.
2. **Cov Chaw Kho Hniav Rhais Chaw Mus Los Tau:** Rau cov neeg uas xav siv lub chaw kho mob rhais chaw mus los tau uas hloov kho kom haum rau ACRC cov neeg mob. Pab Neeg Npaj Phiaj Xwm tuaj yeem ua hauj lwm nrog Tus Neeg Dhia Dej Num Kev Pab Cuam thiab Tus Neeg Dhia Dej Num Kev Kho Hniav los teem sij hawm mus ntsib ib tug RDHAP los sis ib tug kws kho hniav.
3. **Cov Kev Pab Cuam RDHAP Hauv Tsev:** Rau cov neeg uas xav kho mob hauv tsev. Cov Kws Tu Hniav Rhais Chaw Mus Los (RDHAPs) yuav tuaj rau tus neeg lub tsev thiab rau muab ntau yam kev pab kho hniav ua kev tiv thaiv.
4. **Kev Kho Kom Txhob Rhiab Hniav:** Rau cov neeg uas xav tau sij hawm ntau ntxiv kom hnov xis nyob rau kev kho hniav. Qee cov RDHAPs tuaj yeem tuaj mus kho mob hauv tsev yam maj mam, thiab tuab ntwis los tsim kom muaj kev xis nyob rau kev kho ntau lwm.
5. **Kev Rau Tshuaj Loog Rau Kev Kho Hniav:** Rau cov neeg uas yuav tsum tau kho hniav los ntawm kev rau qee yam tshuaj loog. Pawg Neeg Npaj Phiaj Xwm yuav tuaj yeem ua hauj lwm nrog Tus Neeg Dhia Dej Num Kev Pab Cuam thiab Tus Neeg Dhia Dej Num Kev Kho Hniav los pab nrhiav cov chaw kho hniav uas muaj peev xwm muab cov tshuaj loog tsim nyog yog tias xav tau.



Lub Chaw Kho Hniav Li Ib Txwm

Rau cov neeg uas npaj txhij mus kho hniav nyob rau hauv lub chaw kho hniav li ib txwm



Lub Chaw Kho Hniav Rhais Chaw Mus Los Tau

Rau cov neeg uas xav mus kho mob hauv lub chaw kho hniav uas rhais chaw mus los tau



Cov Kev Pab Cuam RDHAP Hauv Tsev

Rau cov neeg uas nyiam kev pab cuam kho hniav hauv tsev



Kev Kho Kom Txhob Rhiab Hniav

Rau cov neeg uas xav tau sij hawm ntau ntxiv los ua kom hnov xis nyob rau kev kho hniav



Kev Rau Tshuaj Loog Rau Kev Kho Hniav

Rau cov neeg uas tej zaum yuav tsum tau rau tshuaj loog rau kev kho hniav

Nqe 8: ACRC Lub Luag Hauj Lwm hauv Kev Pab Cuam Kho Hniav

Txawm hais tias cov kev pab cuam kho hniav feem ntau yeej tau txais kev pab duav nqi los ntawm cov chaw muab kev pab nthuav dav xws li Medi-Cal Dental thiab lwm cov phiaj xwm kho hniav ntiag tug los xij, tab sis ACRC muaj lub luag hauj lwm los txhawb pab cov neeg mob kom ntseeg tau tias lawv tuaj yeem nkag mus siv cov kev pab cuam kho hniav uas tuaj yeem ua tau raws li lawv xav tau.

- **Kev Siv Cov Peev Txheej Kom Tau Txais Txiaj Ntsig Zoo Tshaj Plaws:** Pab cov neeg mob los siv cov peev txheej kev kho hniav nthuav dav uas muaj.
- **Txuas rau Cov Chaw Kho Hniav Hauv Cheeb Tsam:** Pab cov neeg mob nrhiav cov kev xaiv txog cov chaw kho hniav uas tuaj yeem ua tau raws li tej kev xav tau tshwj xeeb.
- **Kev Nkag Mus rau Cov Kev Pab Cuam Los Ntawm Cov Neeg Muag Khoom:** Txhawb pab cov neeg mob los siv cov peev txheej kev kho hniav uas muag los ntawm ACRC.
- **Kev Txhawb Pab Tas Mus Li:** Sab laj nrog Cov Neeg Dhia Dej Num Kev Pab Cuam los daws qee yam thiab txhua yam kev xav tau fab kev kho hniav.

ACRC Tus Neeg Dhia Dej Num Kev Kho Hniav

ACRC Tus Neeg Dhia Dej Num Kev Kho Hniav yog ib qho peev txheej sab hauv rau ACRC Tus Neeg Dhia Dej Num Kev Pab Cuam thiab Cov Neeg Tuav Tswj Kev Pab Cuam Rau Tus Neeg Mob los txhawb pab cov neeg mob kom nkag mus siv tau cov kev pab kho hniav uas tsim nyog tshaj plaws, thiab muaj kev txwv tsawg tshaj plaws. ACRC Tus Neeg Dhia Dej Num Kev Kho Hniav txoj hauj lwm yog kev pab sab laj thiab TSIS TUAJ YEEM muab kev kho hniav ncaj qha los sis kev pab cuam rau cov neeg mob.

Yog koj ntseeg hais tias yuav tsum tau sab laj nrog ACRC Tus Neeg Dhia Dej Num Kev Kho Hniav rau tej kev xav tau fab kev kho hniav tshwj xeeb raws li tau teev tseg hauv tsab ntawv no, ces thov tiv tauj rau ACRC Tus Neeg Dhia Dej Num Kev Pab Cuam.